



◀ De Tuutjefloiteurs zongen zotterdag veur n oetverkocht Kielzog veur de leste keer hun Grunneger laidjes.

Foto: Dennis Beek.

## Tuutjefloiteurs zeggen 'moi' mit n volle bak

■ **THOOGZAAND** – t Trio De Tuutjefloiteurs is nait meer. Zoaterdagavond tuutjefloiten-den ze, noa n bestoan van tien joar, veur t lest in t Kielzog op t Hoozezaand. Veul volk kwam

dr op oaf. n Volle bak was t mit viefhonderd man en vraauw in zoal. t Dreital oet Termunterziel hold der mit op, omdat ain van de leden, An Kuiper, al anderhaalf joar overver waarkt.

Geregeld repeteren is der nait meer bie. „Wie binnen nou nog hardstikke populair. t Leek ons n goud moment om te stoppen. Tien joar is n haile tied”, zegt laider Geert Kuiper.

Grootheden van t Grunneger wazzen noar t Kielzog kommen om Kuiper c.s. oet te zwaaien: Kees Visscher, Jan Boer en Jaap Nienhuis vertelden van hun belevenissen mit de Tuutjefloiteurs. Wia Buze, Fransien Kuiper (ex-Tuutjefloiter) en Siemen Pommel zongen. Allenneg en mit mekoar.

Kuiper c.s. verdwienen nait van t Grunneger teneel. Ze blieden meziek in de streektoal produceren. Zoas van Fransien, dei verleden joar heur eerste spaigelplootje 'Buusdook der bie' oetbrocht. En ne-tuurlek de produkten van Wia

Buze, dat aandere goldkeeltje van Ziel. Fransien en zai zongen zotterdag al even soamen. t Zel veurvast meer gebeuren in toukomst.

En de Tuutjefloiteurs floiten nog wel even deur. Bieveurbeeld vanoaf n nei spaigelplootje 'Tuutjefloiteurs verleden tied?'. Geert Kuiper laange de eerste eksemplaren zotterdagoavond oet aan Klaas en Fennie Staal, de producers en aan Engbert Gruben, die n joar of tiene leden Kuiper c.s. ontdekte en ze aanpeerdje-om as de Tuutjefloiteurs te begunnen.

Geert Kuiper nemt mit n gerust gemoud oafschaid van teneel. „Dr binnen n hailstel goie Grunneger solisten en groepen kommen. t Gait wel deur. Ook zunder de Tuutjefloiteurs.”